



Мусулмон Туркистон халкларининг тарихи Ислом олами тарихининг узвий бир кисмидир. Бошкacha айтганда, умумжахон тарихининг шаклланишида аждодларимизнинг, муносиб ўринлари бор. Сиз бутун дунёда жиддий ўрганиладиган «Салиб юришлари» деб аталадиган машхур тарихий урушларда салибчиларга карши Турон кўшинлари фаол катнашганини эшитганмисиз? Афсус.

XI аср ўрталарида вужудга келган газнавийлар, ўгузлар, корахонийлар ва хоразмийларнинг кудратли давлатлари Ислом халифалигидан ок фотиха олиб иш юритар эдилар. Ўгуз туркларининг бекдил уругига мансуб Ануштегин, унинг ўгли Кутбиддин Мухаммад, унинг ўгли Алоиддин Отсизлар салжук сultonи Санжар давлатига хизмат килишарди. XI—XII асрларда салжук,лар давлати Ўрта Осиёдан Ўрта Ер денгизигача, Византия империяси ва Оврупо чегараларигача кенгайди. Салжуклар ва хоразмийлар хужумидан, шиалар, карматлар, хассасинлар исёнларидан заифлашган халифалик турли майда давлатларга бўлиниб кетди. Миср, Шом — Сурия, Аитиохия каби давлатлар хам ўзаро киргин урушлар килишар, бу урушларда Турон юртидан борган ёлланма жангчилар мамлуклар хам асосий ўрин тутар эдилар. Худди мана шу паллаларда сиёсий таркоклик, ўзаро киргилар туфайли заифлашган мусулмон давлатлари устига Византиё, Англиё, Олмониё, Испаниё, Фаранса каби шотирларидан иборат салиббардорлар — насроний кўшинлари бостириб келдилар.

Салиббардорлар Исо алайхиссалом кабри жойлашган Куддуси Шарифни «озод этиш» шиори билан жанг килардилар. Холбуки, бу шахар мусулмонларники хисобланиб, муқаддаслиги жихатидан мусулмонлар учун хам гоят кадрли эди. Чунки расулиллоҳ Мухаммад алайхиссалом худди шу шахардаги ал-Аксо масжиди айвонидан Оллоҳ таоло хузурига кўтарилиган эдилар (машхур Меъроҷ воқеаси).

Салжуклар саркардаси Отсиз 1070 йили Куддуси Шарифни, кейинрок Халаб ва Дамашки эгаллайди. XI аср охиррогида Мисрдаги фотимиийлар халифалиги яна кучли давлатга айланади.

Миср флоти Ўрта Ер денгизининг Сурия-Фаластиин соҳилларидағи обод шахарларни яна кайтариб олади...

1099 йилининг 7 июнида шотир Болдуин бошчилигидаги 40 минг жангчидан иборат салиббардорлар кўшини Куддуси Шариф остоналарига етиб келди. Шаркшунос олим И. Ю. Крачковский ёзишича, бу вактда шахар мудофаачилари — мусулмон лашкари минг кишидан ошмасди. Салиббардорларнинг кучи кирк баравар ортиклигига, уларнинг шахар деворларини вайронага айлантирувчи жуда кўп курилмалари бўлишига карамай,

мусулмонлар шахарни беш хафта мудофаа килиб туришди. Салибардорлар Куддуси Шарифга босиб киргач, у ердаги яхудийларни, мусулмонларни ва уларга кўшиб насроний ахолини хам кириб юбориши. Фаранг шотирлари ўзлари эгаллаган ерларда Куддуси Шариф сultonлигини барпо этиши.

Туркия ва Ирок оралигидаги Мосул вилоятининг ноиби Отабек Зангги 1142—44 йилларда Халаб ва Харронни, сўнг Эдесса вилоятини фаранг шотирларидан тортиб олди. Эдесса графлиги фаранг шотирларининг танич марказларидан бири эди. Отабек Занггининг бу галабалари Оврупо давлатларини ларзага келтирди.

1147 йилда фаранг сultonи Людовик Саккизинчи ва олмон императори Конрад Учинчи етакчилигига II Салиб юриши бошланди.

Отабек Зангги вафотидан сўнг унинг ўгли Нуриддин салибчилар шотирларига янада какшаткич зарбалар бера бошлади. У 1151 йили Эдесса вилоятини узил-кесил салиббардорлардан тозалади. Граф Жоселен II ни асир олди. Бу пайт Дамашк амирлари билан иттифок тузиб, мисрлик мусулмон кўшинларига карши жанг килаётган эдилар.

1154 йилда улар иттифокчилари кўмагидан умидини узиб, Нуриддинга жангсиз таслим бўлиши. 1164 йили эса Нуриддин Антиохия ва Тароблус кўшинларини енгиб, граф Боэмунд III ва граф Раймунд III асир олди.

Турк муаррихи Баҳрия Учок ёзишича, Миср сultonи Малик ал-Комил (Нажмиддин Айюб) хам узок йиллар салиббардорларга карши жанг килган. Ал-Комил беш ўглидан энг каттаси — Малик Солихни таҳт вориси ва Миср ноиби килиб тайинлаб, ўзи салиббардорларга карши курашни давом эттирган.

Куддуси Шарифни салиббардорлардан тортиб олиш учун жанглар нихоятда чўзилиб кетгач, Миср сultonи ал-Комил 1229 йилда фарансузлар императори Фридрих II билан сулх тузди. Шартномага мувофик Куддуси Шариф 10 йил муддатга салиббардорлар ихтиёрига берилади. Ал-Комил шундан сўнг Кохирага кайтди.

Шу вактларда Миср давлатига карам Сурия, Фаластин, Луб-нон (Ливан) ва Иордани вилоятларида ал-Комилнинг ўгиллари ноиблик килишарди.

1232 йилда мўгуллар Мисрнинг Кичик Осиёдаги вилоятлари чегараларига келиб колишди. Ал-Комил бундай вазиятда ўгли Малик Солихни Суриядаги кўшинларга бош кўмондон килиб тайинлашни лозим топди. Вазият кескинлашган, Сурияга бир тарафдан салибчилар, иккинчи тарафдан мўгулларга карши урушаётган хоразмийлар хавф солиб туришар эди. Малик Солих донолик билан иш тутиб, хоразмликлар билан сулх. тузди ва шартномага мувофик Шарқдан келаётган мўгулларга ва Шимолдан келаётган салиббардорларга карши курашни биргаликда давом эттиришди. Малик Солих 1238 йили отасининг рухсати билан хоразмийларнинг ўрдуларини Миср кўшинига кабул килди.

Араблар ва хоразмликлар биргалишиб, Санжар ва Нусайбин шахарларини мўгуллардан тортиб олишди хамда Ракка шахрини камал килишди (Зиё Бунёд: «Хоразмшохлар тарихи»). Аммо шу пайт унинг отаси Малик ал-Комил вафот этгани хакида нохуш хабар келди. Малик Солихнинг ўгай укаси Малик Одил Миср пойтахтини эгаллади. Малик Солих шахар камалини ташлаб, кўшинларини Кохирага бошлади. Ракка шахридаги мўл-кўл ўлжаларга кўз тикиб турган хоразмийлар бу карорга норозилик билдиришди.

Малик Солихни асир олишга уриниши. Бундан огох бўлган Малик Солих кочишига муваффак бўлди. Малик Солихнинг ахволи оғирлашганидан хабар топган Салжук сultonи хам уни асир олиб, давлатини эгаллашга аҳд килди. Шу ниятда унинг кўшинлари Диёрбакирни камал этди. Аммо Сурия ва Бобил амирлари эпчиллик билан Малик Солихнинг шахарларини ўзаро бўлиб олишди. Мосул ноиби Лўлу хам ўзига кулай

фурсатдан фойдаланиб, Малик Солих турган Санжар шахрини камал кила бошлади. Малик Солих ўзига садокатли бир аёл ёрдамида Лўлу кўшинларини тор-мор келтирди, сўнг Диёрбакирни ўраб олган салжук султонига какшаткич зарба берди. Сўнг Бобилни эгаллади. Бахрия Учок бу аёлнинг кимлигини айтмаган. Бизнингча, бу ишларда Малик Солихдан сира айрилмайдиган малика Шажарнинг кўли бўлса керак.

1238—1240 йиллари Олтин Ўрда хонларига бож-хирож тўлаб турган Новгород князи Александр Невский хам немис ва швед салиббардорларига карши жангларда кетма-кет галаба козонаётган эди. Худди шу даврда Куддуси Шарифни 10 йилга ижарага олган Фридрих II билан Ал-Комил тузган шартнома муддати охирлаган, лекин салиббардорлар Куддуси Шарифни ташлаб кетишни хаёлга хам келтирмаётган эдилар.

Малик Солихнинг ўгай укаси, Карок шахрининг хокими Носир Довуд шартномага амал килмаётган Куддуси Шарифни камал килиб, салиббардорларни тор-мор келтирди. Шу йили (1239) Сурияни кайта эгаллаб, Мисрга караб бораётган Малик Солих амакиси Исмоилнинг соткинлиги туфайли ўгай укаси, энди Куддус амири Носир Довудга асир тушиб колди. Лекин иккаласи хам Миср султони Малик Одилдан норозилиги туфайли ўзаро битим тузишди. Куддусда 1240 йилнинг апрелида тузилган бу шартномага кўра, Малик Солих Сурияни хамда бошка шаркий вилоятларни Носир Довудга колдириб, ўзи Мисрга хукмронлик киладиган бўлди. Назаримизда, бу иттифокда Солихнинг севикли хотини Шажарат-ад-Дур фаол таъсир кўрсатган.

Мазкур хабарни эшитган Миср султони Малик Одил ўз акалари Малик Солих ва Носир Довудга карши жангга отлана бошлади. Лекин Малик Солихни хурмат киладиган мамлуклари (булар орасида Мовароуннахрлик амирлар хам бор эди) Малик Одилни тахтдан агдариб, Кохира калъасига камаб кўйишиди.

Малик Солих 1240 йили 6 июн куни Миср тахтини эгаллади ва укаси кўлдан берган вилоятларни аста-секин кайтариб ола бошлади. Жумладан, Йаманга юборилган кўшинлар йўлда Маккан Мукаррамани эгалладилар. Бахрия Учок ёзишича, нисбий тинчлик даврида Малик Солих ва Шажарат-ад-Дур курилиш, ободончилик ишлари билан шугулланишган. Шу дазрда Макка шахри (Каъбатиллоҳ) хам булар тасарруфида эди.

Чамаси, Хоразм кўшинларининг куткуси билан бўлса керак, Малик Солих Куддуси Шариф шартномасини бузиб, укаси Носир Довуд кўлидаги шаркий вилоятларга карши кўшин тортиб борди. 1244 йилда у Куддуси Шарифга бостириб кириди, кўп ўтмай бутун Сурия унинг тасарруфига ўтди. «Мана шу зафарларнинг хаммасига, — деб ёзади баҳрия Учок, — мўгуллардан чекиниб келиб Малик Солих кўшинига хизматга кирган хоразмий туркларининг сипохлари туфайли эришилди» (39-бет).

1248 йили Малик Солих кўшинлари Шом пойтахти Халабни забт этишучун чогланиб турган вактида Фаранса кироли Людовик IX бошчилигига салиббардорлар Мисрнинг шимолий сохилидаги Дамиётта шахрига бостириб киришди — Учинчи Салиб уруши бошланди. Бу вактда Малик Солих оғир касал бўлиб, мураккаб давлат ишларини малика Шажарат-ад-Дурга ишониб топширган эди.

Тарихда Ислам-ад-Дунё ва-д-дин ал-муслимин Уммул-Шажарат-ад-Дур номи билан машхур бўлган бу аёл эрининг вафотидан сўнг Мисрдаги мамлуклар султонлигининг хукмдори сифатида салибчиларга карши жангларни муваффакиятли давом эттириди. Аввал айтганимиздай, Миср мамлуклари орасида салжуклар ва хоразмийлар, Мовароуннахр турк жангчилари бор эдилар. Улар Миср давлатининг кудратини оширишга, салиббардорлардан жуда кўп калъаларни озод килишда бекиёс куч-гайрат сарфладилар. Миср отабеги ва бош кўмондон Иззид-уд-дин Ойбек Туркманий хам

мамлукларнинг энг шавкатли етакчиларидан эди.

Олима Бахрия Учок маълумотига кўра, малика Шажарнинг келиб чикиши хам араблардан эмасди. У Абдуллоҳ деган туркнинг кизи бўлиб, чамаси, киргин жангларда отаси ўлгач, чўри сифатида бадавлат хонадонларга сотилган. Ўрта аср одатларига кўра, энг гўзал чўрилар сultonларга,, амирларга ва хатто халифага совга килинган. Малика Шажар кудратли давлат рахбари — малика-ал-муслиман даражасига етганида хам халифага чўрилик пайтларини унутмасдан, олтин, кумуш тангаларга ўзининг исми ёнига «ал-Мустасимия», деган сўзни кўшиб зарб эттиргаи. Эҳтимол, бу ишнинг маъноси бошкачадир. Яъни, бу билан малика Шажар ўз давлатининг хомийси халифа ал-Мустасим эканлигини ифодаламокчи бўлгандир. Хар холда, Бахрия Учок ўз китобида Малик Солих мазкур канизакнинг гўзаллигидан хайратланиб, сотиб олгани ва уни севиб колгани хакида далиллар бор... «Кўп ўтмай, у (Малик Солих) чўрисининг порлок гўзаллиги нозик акл-фаросатига монанд эканини сезди,— деб ёзади Бахрия Учок.— Ораларида фарзанд тугилгач, Малик Солих унга расман уйланди ва маликага айлантириди. Фарзандларига Халил деб исм кўйишди. Малик Солих малика Шажардан сира ажралмас, унинг хусн-жамоли ва ширин сухбатига сира тўймас эди». Малика урушларда хам доимо эридан айрилмасди. Малик Солих Карокда укаси Носир Довудга асир тушганида, малика Шажар камокда хам у билан бирга машаккат ва муҳтоҷликларни баҳам кўрган эди.

1249 йил 12 ноябрда Малик Солих Мансура шахрида вафот этгач, малика Шажар давлатда бебошдоклик бошланмасин, деб бу хабарни бosh кўмондон Фахриддин Юнусдан ва Солихия, Бахрия, Халка мамлуклари лашкарининг бошлиги Жамолиддин Мухсиндан бошка хеч кимга билдирамди. Султон жасадини пинхона Мансурадан Кохирага олиб кетишиди.

Малик Солих вафоти олдидан, фарзандларим ёвлашмасии деган максадда бўлса керак, вазир Хусомиддинга: «Мендан кейин давлатим аббосийлар халифаси Мустасим-бilloхга колсин», деб фармон берган эди. Аммо малика Шажар амирлар билан маслаҳатлашиб, Малик Солих номидан унинг ўғли Туроншоҳ таҳт вориси, амир Фахриддин Юнус бosh кўмондон этиб тайинланганлигини эълон килди. Чамаси, малика бу ишларни амир Хусомиддин маслаҳати билан амалга оширган. Чунки, кўп ўтмай, маликанинг фармони билан барча амирлар Хусомиддинга содикликка касамёд этишган. Бosh кўмондон Фахриддин Юнус камоклардаги маҳбусларни афв этиб, аввалги соликларни бекор килган. Султонликка хутбада эса Малик Солих билан бирга Туronшоҳ Гиёсиддин номи тилга олина бошланган.

Туronшоҳ Мансура шахрини пойтаҳт килиб, улуг вазири Хусомиддин билан бирга давлат ишларини юрита бошлади. У раҳматли султон Солихнинг Солихия мамлуклари ва малика Шажарат-ад-Дурнинг Бахрия мамлуклари хамда ўзининг Хисун-Кайфа мамлукларидан иборат кўшинларга бошчилик килиб, салиббардорларга карши юриш бошлади.

Солихия ва Бахрия мамлукларининг жасорати билан Turonshoҳ катта галабаларга эришди. Мансура остоналаридаги биринчи жангдаёқ 3 минг салибчи асир олинди. Катта талафот кўрган фарансалик шотирлар Misrning барча ерларидан чиқиб кетишига ваъда бериб, суҳҳ таклиф этишиди. Аммо мамлуклар шартни кабул килмадилар ва салиббардорларнинг 32 кемасини ёндириб юбориб, уларнинг денгиздан чекиниш йўлини тўсиб кўйишди. Фаранса кироли Людовик IX нинг ўзи хам асир олинди.

Туronшоҳ манманлик табиатига кўра, отасининг мамлуклари ва Шажарат-ад-Дур мамлукларининг галабага кўшган хиссаларини тан олмай, ютукларни факат ўзиники

килиб кўрсатишга киришди. Ўрта Осиёдан ва Курдистондан келган мамлукларни хар кадамда хўрлай бошлади. Туроншоҳ масталастлик пайтида Солихия ва Баҳрия мамлукларининг пахлавонларини ҳамманинг олдида калтаклаб, сазойи килишга тушди. У ўзининг Хисун-Кайфа мамлуклари билан айш-ишратга, нахс ишларга берилди. Унга тож-тахтни топширган малика Шажарат-ад-Дурга ҳам кўполлик кила бошлади.

Бир куни Туроншоҳ Баҳрия мамлукларини сазойи килаётганида, сабр косаси тўлган малика жангчилари унга ташланиб, ўлдиришга уринишиди. Кутилмаган хужумдан эсанкираган Туроншоҳ ўзи курдирган ёғоч минорага кириб яширинди. Мамлуклар минорани ўраб, ёндириб юборишиди. Тириклай ёнишдан кўрккан султон ўзини минорадан Нил дарёсига ташлади. Аммо Баҳрия мамлуклари уни тутиб олиб, ўлдиришиди. Такаббур ва майшатпаст Туроншоҳ Гиёсуддин бор-йўги 70 кун султонлик килди.

81 йил давом этган Мисрдаги айюбий султонларининг сулоласи Туроншоҳ ўлими билан тугади. Солихия ва Баҳрия мамлуклари давлатни ўз кўлларига олишиди ва султон саройидаги маслаҳат кенгаси — машваратида яқдиллик билан малика

Шажарат-ад-Дурни султон килиб кўтаришиди. Мархум Малик Солихнинг содик лашкарбошиси Иззиддин Ойбек улуг вазир ва бош кўмондон этиб тайинланди.

Ислом давлатлари тарихини ёзган атоли адиб ва муаррих Журжи Зайдон, шунингдек, фаранса шаркшуноси Мишел Марсел Малика Шажар илгари ҳам Ойбек билан яширин якинлиги бор эди, деган фикрни билдиришада. Турк олимаси Баҳрия Учок бу тахминни рад этади. У, шариат конунларини яхши билгани учун, султон амирлари Малика Шажарнинг табиатида заррача нопокликни сезишганида, унга бунчалик юксак ихлос, эътиқод кўймаган бўлардилар, деган мантикий хulosага келади. (44- бет). Бизнингча ҳам, бу гап-сўзларни унга ҳасад килган Туроншоҳ кишилари таркатган бўлиши мумкин. Бундан ташкири, гўзал ва окила малика ширин муомаласи, жозибадорлиги билан барча амирларни мафтун этган ва хурматини козонгани хакикатга якинdir.

Акс холда, исёнкор ва ўжар мамлуклар маликани кувватламаган бўлур эдилар.

Малика Шажар хукмдорлик тахтига ўтиргач, Баҳрия мамлуклари лашкарбошиларининг мавкеи ошганлиги ҳам табиийдир.

Давлат рахбари бўлган маликанинг биринчи иши Фаранса шотирларини Ўрта Ер Денгизидан Мисрга дарвоза хисобланган Дамиётта шахридан катта жарима эвазига ватанларига кайтариб юбориш бўлди. Салиббардорлар уруш вактида ва 11 ой шахарни эгаллаб туришган пайтда етказган заарлари учун 40 минг динор жарима тўлашди.

Шундан сўнг 1250(648) йил сафар ойида мусулмонлар Фаранса подшоси Людовик IX ни, малика Маргаритани, подшонинг укаси Алфонсни ва 12 100 салиббардорни асирилдан бўшатишиди.

Уларнииг кетиши Мисрда бир хафтача байрам килинди. Шоирлар Ватан озодлиги шарафига шеърлар ва касидалар ёздилар. Дамиёттани озод килиб кайтган кўшинлар 14 май куни Малика Шажарат-ад-Дурга содикликка касамёд килдилар. «Фарангларнинг кетиши, мамлакатда тинчлик ва тартиб ўрнатилиши Миср халкининг доно ва саховатли маликасига меҳрини оширди», деб ёзади Баҳрия Учок (46-бет).

Шажарат-ад-Дур ҳар куни вазирларини девонхонага чакиририб, ўзи ҳарир парда ортидаги тахтда ўтирганича, давлат ишларини керакли одамлар билан маслаҳатлашиб ҳал этарди. «Бир карорга келишдан аввал, — деб ёзади Баҳрия Учок, — малика бу тўгрида вазирлар ва амирларнинг фикр-мулоҳазасини эшитиб, сўнг фармон ва йўл-йўрикларга имзо чекар эди. Фукароларга тегишли масалаларни... Отабек Ойбек билан мухокама килишарди».

Доно маликаинг шон-шуҳрати кун сайин ошиб боришига хасад килган душманлари (булар орасида мамлуклар ўлдирган майшатпаст Туроншохнинг. Сурияга кочган тарафдорлари кўп. эди) унга карши игво, фитналар тўрини тўкий бошладилар. Игвогарлар айрим нопок рухонийларни ишга солиб, халифа Мустасимга маликани ёмонлай бошладилар. Шажарат-ад-Дур халифа номини доимо хутбаларда улуглаб, хурматини жойига кўйса хам, барибир игвогарлар орани бузишди. Хасадгўйлар: «Миср тахтининг конуний ворислари айюбий шахзодалар халитирик бўлса хам, нега султонликни аёл киши бошқаради?» деган мазмунда Багдодга хат кетидан хат йўллай бошладилар. Шикоятномалар нихоятда кўпайиб кетгач, халифа Мустасим: «Давлат ишларини аёл кишига топшириб кўйган кабилага нажот йўли ёпилур», деган хадисни кидириб топди ва: «Агар ўзингиз султонликка муносиб бир одамни топмасангизлар, биз топиб берурмиз», деган мазмунда жавоб юборди. Бизнингча, халифа Мустасимнинг ё малика Шажарга шахсий иддаоси бўлган ёки бундай жавобни айюбий шахзодалар ўзлари ташкил этишган.

Мисрга тобеъ бўлган Халабдаги айюбийлар вакили Доифа хотуннинг невараси Носир Юсуфга Дамашк амирлари дарвозани очиб, султонлик хазинасини топширишди. Носир Юсуф хазинани амирларга бўлиб берди, деган гап тарқади. Кейинрок айюбий шахзода Носир Юсуф Дамашкни ва бутун Сурияни эгаллаб, Солихия амирларини ва уларнинг мамлукларини тутиб ўлдира бошлагани, Шажарат-ад-Дурга тобеликда бўлган Карок, Шубок, Сабиба калъалари бошликлари исён кўтаргани хакида хабарлар кучайди.

Бундан Миср ахолиси каттик ташвишга тушиб колди. Хавфни бартараф этиш учун малика Шажар барча вазирлари ва амирларини йигиб, фавкулодда машварат ўтказди. Багдод халифасининг норозилигига баҳона колдирмаслик учун малика султонлик тахтини бош вазир Ойбекка топшириди. Энди тахтга эркак киши ўтириди. Амирлар маслаҳатлашиб, маликани хам давлатдан узоклаштирмаслик учун, беваликдан кечиб, султон Ойбекка турмушга чикишни таклиф этишди.

Туркман жангчиси Ойбек султон Малик Солих ва Шажарат-ад-Дур тўплаган Бахрия мамлукларининг йўлбошчиларидан эди. У Малик Солих даврида жасоратлар кўрсатгани учун катта мартабаларга эришди. Энди эса, фалакнинг гардиши билан, устози Солихнинг тахтига ўтириди, маликага уйланди. Малик Солих амир Ойбекка ортиқ ишонганидан. султон матбахига — ошхонасига хам мутасадди килиб кўйган ва чашнигир-деган унвон берган эди. Шунинг учун, чамаси, халифа таклифи билан бўлса керак, Ойбекка Ал-Малик ал-Муизз (Иzzатли) ал-Чашнигир-ат-Туркмоний, деган унвон берилди. Ойбек малика Шажарни аввалдан хурматлагани (эҳтимол севгани) учун, султонлик тахтига ўтирганида хам бу окила паривашнинг хар бир маслаҳатини жон кулоги билан тинглар эди.

Султон Туркман Ойбек маликага уйлангач, Бахрия ва Солихия мамлукларини бирлаштиришни максад килди. Аммо, Бахрия Учок айтганидек, бу максадига етолмади. Бизнингча, Бахрия мамлуклари ўзларининг гўзал маликаларини Ойбекдан рашк килиб, тўнларини тескари кийиб олишган. Аксинча, Солихия ва Бахрия мамлукларининг гурухлари ўртасида адоват, низолар бошланди. Бизнингча, мархум Туроншох тарафдорлари касдан бу икки гурух мамлуклар ўртасига адоват уругларини сепа бошлаган.

Малика Шажар ва Султон Ойбек галаёнларга чек кўйиш максадида йаманлик шахзода 8 ёшли Малик Ашрафни хукмдор деб эълон этишди. Миср тарихида жуда кам учраган ходиса — икки султонлик даври бошланди. Агар малика Шажарнинг асосий мавкеъ

тутишини эсласак, давлатга энди ўч султон раҳбарлик килганини эътироф этишимиз керак. Туркман лашкарбошинг Миср давлати таҳтида ўтириши хам тарихда ноёб ходисадир.

Тарихий манбаларда (Ал-Макриза, Ас-Сулук, 1-жилд; Ибн Халдун, Тарих, V жилд; Журжи Зайдон. Тарихи Миср. Ал-Хадис. II кисм) айтилишича, бу даврда Миср тангалари шахзода Малик Ашраф ва Ойбек туркман номига зарб этилган. Асосий давлат ишларини Ойбек хал эта бошлаган.

Сурия ноиби шахзода Носир Юсуф Миср таҳтини эгаллаш максадида Акка шахрида турган кирол Людовик IX билан шартНОМа тузиб, Кохирага кўшин тортиб келган. Султон Ойбек ва СолИХИЯ мамлукларининг етакчиси Форис Ўктой бошчилигидаги кўшинлар Кохирадан чикиб, душманни карши олган. Хар иккала тамон галма-галдан голиб келгаи оғир жанглардан сўнг-Миср кўшинлари Сурия кўшинларини енгган. Бу орада Кохирада галаён кўтарилиб, жанг окибатини тушуммаган фуқаро Носир Юсуфни енгди деб ўйлаб, уни тантанали кутиб олишга тайёрланишган. Бундан хабар топган Ойбек айборларни излаб, киргин уюштирган. Кексалар ва болаларни хам аямаган. Форис Ўктой асосий галабани кўлга киритгани учун Солихия мамлуклари уни, султонликка шерик бўлсин, деб талаб кила бошладилар. Бундан жаҳли чиккан Ойбек амирлари Форис Ўктойни тутиб, ўлдиришди. Унинг кўл остидаги Солихия мамлуклари хам зиндонларга ташланди. Бу адолатсизликларни малика Шажар кувватламаган, албатта. Тарихчилар одатда оиласи низоларни ёзишмайди, аммо тасаввур килса бўладики, Шжарат-ад-Дур билан Иzzиддин Ойбек ўртасида аввалгичалик дўстона муносабат колмаган. Баҳрия Учок ёзишича, малика Шажарнинг давлат ишларида фаол аралашувини Ойбек ёктиримай колган. Бунинг устига, Ойбек мунахжимга фол очирганида, сен аёл киши кўлида ўлим топасан, деб башорат килган экан. Шундан сўнг Ойбек Туркман йўлини топиб Шжарат-ад-Дурни ўлдириш пайига тушган. Аммо нозик фаросатли малика султоннинг бу ниятини олдиндан сезиб, нима килсан экан, деб изтироб чека бошлаган.

Султон Ойбек магрур маликадан кутулиш ниятида Мосул хокими Бадриддин Лулунинг кизига совчи юборган. Бу хам етмагандай, аввало, малика Шажарни хўрлаш учун, иккинчидан, уни ҳарбий таянчидан айириш учун, учинчидан, ўз куч-кудратини наМОЙиш килиш учун Баҳрия мамлукларини тутиб, зиндонга ташлаган.

Хукмронлик гурури ва аёллик шаъни поймол этилган Шжарат-ад-Дур султон Ойбекдан ўч олиш пайига тушади. Шу ниятда малика Халабга чопар юбориб, Носир Юсуф билан тил бириктиромкчи бўлади. Аммо Носир Юсуф маликани айёрик килаяпТИ деб ўйлаб, бу таклифга кўнмаган. Ойбекнинг Мосулдаги кайнотаси Бадриддин Лулу бу ишдан айгокчилари ёрдамида хабар топиб, куёвини огохлантирган.

Малика 1257 йилнинг роббиал-ало ойининг 24-куни Боб-ал-Лавҳдаги янги кароргоҳида яшаётган султон Ойбекни Калъаи Жиболга — ўз саройига меҳмонга кирганида, малика одамлари унга ташланиб, бўғиб ўлдиришади.

Аммо шундан сўнг малика Шажар жуда нокулай вазиятда колди. Амирлар султонлик таҳтини кимга бериш масаласида икки гурухга бўлинишди. Охири Ойбекнинг ўгли Нуриддин Али «Малик Мансур» номи билан таҳтга ўтиради. Малик Мансур узок хукм сурмади. Кейинрок Миср таҳтига хоразмшоҳлар сулоласидан Сайфиддин Кутуз ўтириди (3. Бунёд. «Хоразмшоҳлар тарихи»).

Мархум Ойбекнинг мамлуклари котиллардан ўч олиш баҳонасида Калъаи Жиболга

бостириб кирдилар. Солихия мамлуклари малика Шажарни химоя килишди. Жиноятга аралашган одамларнинг кўпи дорга осилди. Аммо Ойбек мамлуклари маликани катл этишга журъат этишмади. Шундан сўнг Ойбекнинг бошка хотини (Нуриддин Алининг онаси) чўриларига буюриб, малика Шажар чўмилаётганда уни калтаклатиб ўлдирирди. Чалажон маликани минорадан калъя ташкарисидаги хандакка ташлаб юбориши...

Бахрия Учок атокли муаррих Ан-Нувайрийнинг «Нихоят-ул-араб» асарига суюниб бундай ёзади: «Султонлик таҳтида ўтирган, гўзаллиги, оқилалиги, мулоимлиги, ўткир зехни билан барчани мафтун этган, юлдуздай чакнаган мусулмонлар маликасининг жасади бир неча кунгача калъя хандагида ётиши такдир кинояси эмасми?» (Ан-Нувайрий, «Нихоят-ул-араб», 27-жилд, 266- бет).

Бахрия Учок ёзишича, маликанинг. хасадгўй душманлари уни Багдод халифасига ёмонлаб кўрсатмаганида, Суриядаги шахзодалар исён кўтартмаганида, Шажарат-ад-Дур Мисрда узок йиллар фаровонлик билан давр суриши мумкин эди. Миср ва Суриядан салиббардорларнинг кувиб чикарилишида туркман Ойбек ва туркий халк вакиласи — малика Шажарнинг катта хиссаси бор. Махмуд Бадавийнинг «Шажарат-ад-Дур» сахна асари, мумтоз адаб ва муаррих Журжи Зайдоннинг шу номдаги тарихий рўмони ана шу ёркин шахс тарихига багишланган.

Хоразм, Шош, Ирок ва Миср тарихидаги мухим воқеаларнинг илдизлари анча терандир. Хали мўгул истилочилари Моварауннахрга босиб келишидан муқаддам 1218 йилда Миср ва Шом хокими Малик-ул-Одил вафот этгач, унинг уч ўгли ота мулкини бўлиб олишган эдилар. Мисрда — Малик-ул-Комил; Дамашк, Куддус ва Табаристонда — Малик-ул-Муazzам; Жазира, Хилот ва Майофарикинда — Малик-ул-Ашраф хукмронлиги ўрнатилди. Ал-Комил ва Ал-Ашраф акалари Ал-Муazzамга карши иттифок тушиб туришган пайтларида хоразмшоҳ Жалолиддин Мангуберди кўшинлари Малик ул-Ашраф худудларига кириб келди ва Хилотни камал килди.

Зиё Бунёд Мусо ўгли ёзишича, Малик-ул-Муazzам биродарлари Ашраф ва Комилга карши султон Жалолиддин билан иттифок тузиш ниятида унинг хузурига Садри аъзам ал-Бакрий раҳбарли сўфий уламоларини юборган. Кизиги шундаки, бу хабарга кўра мўгулларнинг Хоразмга истилоси бошланган пайтлардаёк (1220) султон Жалолиддин катта кўшин билан Багдод халифалиигига КарШИ жанг килаётган бўлиб чикади.

Кейинрок, яъни, 1225 йилда султон Жалолиддин Озарбайжонни фатх этганида хам Малик ул Муazzам яна Хоразмшоҳ хузурига элчиларини юборган.

Ўша йилнинг бошида Жалолиддин мўгуллар боскинига карши Ислом кучларини бирлаштириш ниятида Багдод халифаси хузурига харбий девони бошлиги Зиё ул-Мулк раҳбарлигига элчиларини юборган. Аммо, афсуски халифа ан-Носир султон Жалолиддин отаси Алоуддин Мухаммаднинг авваллари Багдод халиФалиигига карши курашганлигини эслаб, иттифок тузишни хоҳламаган.

Аксинча, у Хоразм кўшинларига карши Куш Темур етакчилигига 20 мингли катта кўшин юборган.

Ислом давлатлари раҳбарларининг бу ноахиллиги оқибатида Хоразм хам, Богдод халифалиги хам мўгул коғирлари тарафидан тор-мор келтирилди ва узок асрлар мусулмон халклари асоратда яшашга мажбур бўлдилар.

Махкам Махмуд

